

## BERTSO BERRIAK

Joanes Etxebarria

### Iragarkiz jarriak



#### I

*Libération* egünkariaren  
14garren orrian,  
iragarkietan ligatzen da  
manera erringarrian.

#### II

Oto salmenta ta lan eskeintza...  
iragarkien artean,  
harreman ezinezkoen txerka  
dabiltza hitzen katean.

#### III

«Parisen, metroan 10 linean,  
goizeko 10 t'erditan,  
ikusi züntüdanetik a(r)i niz  
desioaz izerditan».

#### IV

Beste batek ere hala zion:  
«Monmartre gainean zinen,  
geroztik hasi niz ametsetan  
aihari bat dügün eginen».

#### V

*Berrian* ez da hala egiten,  
ez *Garan*, ez besteetan.  
Arren, ARGIAN egin nahi dü  
berdintsü ene kopletan:

#### VI

«Zure herriko gaztetxean zen,  
laugarren garagardoan;  
enebürüari erran neion,  
ikusak hortik nor doan...

#### VII

Ez dakit zure izena, bena  
deitü nahi zütüt sorgin;  
begirada hartarik geroztik  
sentitzen niz hain ezberdin!»

#### VIII

Ürrentzeko lüzatü nahi dü  
proposamen bat emeki,  
iragarkien püblikatzeko,  
bai, bena anonimoki.

**DOINUA:** Aita semeak tabernan daude.



Bidali zure sortak [bertsoak@argia.com](mailto:bertsoak@argia.com) helbidera. Aukeratuak orri honetan argitaratuko ditugu.